



御選宋詩卷第一目錄

帝製詩

太祖一首

太宗一首

真宗十六首

仁宗八首

神宗一首

徽宗六十二首

高宗十八首

孝宗五首

少帝三首

御選宋詩

卷一

目錄

一



087308

御選宋詩卷第一

帝製詩

太祖

初日詩

欲出未出光
邈邈千山萬山如火發
須臾走向天上來
趕却殘星趕却月

太宗

賜陳搏

曾向前朝號白雲
後來消息杳無聞
如今若肯隨徵召
總把三峰乞與君

真宗

御選宋詩

卷一

太祖

太宗

真宗

太廟樂章二首

奠瓚用萬國朝天

鴻源濬發睿圖誕
彰高明錫羨累洽延祥
巍巍藝祖溥率賓
王煌煌文考區宇大
康珍符昭顯寶曆綿
長物性茂遂民俗阜
昌甫田多稼禾黍穰
穰含生嘉育鳥獸蹠
蹠八紘統域九服要
荒沐浴惠澤祇畏典
常隔谷分壤望斗辨
方並襲冠帶來奉圭
璋我我雙闕濟濟明
堂諸侯執帛天后當
陽何以辨等袞衣繡
裳何以褒德路車乘
黃聲明煥赫雅頌汪
洋啓茲丕緒佑我無
疆大統斯集大樂斯
揚俯隆宗祏仰繼穹
蒼

亞獻終獻用平晉樂

五代衰替六合攜離封疆竊據兵甲競馳天顧黎獻塗
炭可悲帝啓靈命濬哲應期皇祖丕變金鉞俄麾率土
執贄獷俗來儀瞻彼大鹵竊此餘基獨迷文告莫畏天
威神宗繼統璿圖有輝尚安蠢爾罔懷格思六飛夙駕
萬旅奉辭徯來發詠不陣行師雲旗先路壺漿塞岐天
臨日照宸慮通微前歌後舞人心悅隨要領自得智力
何施風移僭冒政治淳熙書文混一盛德咸宜干戈倒
載振振言歸誕昭七德永定九圍

玉清昭應宮樂章十一首

降聖真安

巍巍真宇奕奕殊庭規模太紫炳煥丹青元命祇答大
御選宥詩

卷一 真宗

二

猷是經多儀有踐丕應無形肆設金石聲聞杳冥佇迴
飈馭永佑基扃

奉香靈安

芳氣上泱飈馭下臨紹承丕緒永勵精明氤氳成霧蔥
鬱垂陰虔恭對越介祉攸欽

奉饌吉安

發祥有自介福無疆紛綸丕應保佑下方嘉薦斯備雅
奏具揚寅威洞達監盥昭章

玉皇位酌獻慶安

無體之體強名之名監觀萬寓統治九清真期保佑瑞
命昭明乾乾翼翼祇答財成

聖祖位酌獻慶安

於昭靈貺誕啓鴻源功濟庶彙慶流後昆蘭肴登俎桂
酒盈尊俯迴颺駕永庇雲孫

太祖位酌獻慶安

赫赫藝祖受命高穹威加海外化浹區中發祥宗祏錫
祐渺冲欽承積德勵翼精衷

太宗位酌獻慶安

明明文考儲精上蒼禮樂明備溥率賓王功德累洽曆
數會昌孝思罔極丕祐無疆

亞終獻冲安

太初非有體至道本無聲降跡臨下土成功陟上清至

御選定詩

卷一 真宗

三

仁敦動植丕緒啓宗祊紫禁承來格鴻基保永寧發祥
垂誕告至孝薦崇名廣樂伸欽奉儲休固太平

飲福慶安

明明始祖誕啓慶基翼翼後嗣虔奉孝思精潔斯達祉
福咸宜于以報貺予以受釐

徹饌吉安

雕俎在御颺駕聞聲真遊斯降旨酒斯盈大樂云闋大
禮云成徹彼常薦罄此明誠

送聖真安

精心既達真游允臻禮容斯舉福應惟醇將整仙馭言
還上旻永存嘉貺用泰烝民

賜楊億

瑣闥往年司制誥共嘉藻思類相如蓬山今日詮墳史
還仰多聞過仲舒報政列城歸覲後疏榮高閣拜恩初
諸生濟濟彌瞻望鉛槧諮詢辨魯魚

賜蔡伯稀

七閩山水多才俊三歲竒童出盛時家世應傳清白訓
嬰兒自得老成姿初當移步來朝謁方及能言便誦詩
更勵孜孜圖進益青雲千里看前期

題香藥庫

每歲沉檀來遠裔累朝珠玉實皇居今辰內府初開處
充物尤宜史筆書

御選宋詩

卷一 真宗

仁宗

四

上辛祈穀樂章二首

太宗配位奠幣用仁安

天祚有開文德來遠祈穀日辛侑神禮展

酌獻用紹安

於穆神宗惟皇永命薦醴六尊聲歌千詠

夏至祀皇地祇樂章二首

太祖奠幣用恭安

赫矣淳耀俶載帝基一戎以定萬國來儀寅恭潔祀博
厚皇祇威靈有在福祿如茨

酌獻用英安

不命惟皇萬物咸覩卜年邁周崇功冠禹有赫炎精大
昌聖祚酌鬯祈年永錫繁祐

孟夏雩祀樂章二首

太祖配坐奠幣獻安

昊天蓋高祀事爲大嚴配皇靈億福來介

酌獻感安

龍見而雩神之來格犧象精良威靈赫奕

賜梅摯

地有湖山美東南第一州剖符宣政化持橐輟才流暫
出論思列遙分宵旰憂循良勤撫俗來暮聽歡謳

賞花釣魚

御選宋詩

卷一 真宗 神宗 徽宗

五

晴旭輝輝苑籞開氤氳花氣好風來遊絲絮絮繁行仗
墮蕊飄香入酒杯魚躍文波時撥刺鶯留深樹久徘徊
青春朝野方無事故許遊觀近侍陪

神宗

分揭封樁庫上二十字

每度夕惕心妄意遵遺業顧予不武資何以成戎捷

徽宗

己亥十一月十三日南郊祭天齋宮卽事賜太

師蔡京

報本精禋自國南先期清廟肅齋嚴層霄初擴同雲霽
暖吹俄回海日暹十萬軍容冰作陣九街鴛瓦玉爲簷

肅雍顯相同元老行慶均釐四海霑

題畫八首

海棠通花鳳

錦棠天與麗映日特妖嬈五色絢儀鳳真堪上翠翹
杏花鸚鵡

並亞隴雲飛穩巢文杏枝高棲良自得蜂蝶莫相疑
芙蓉錦雞

秋勁拒霜盛我冠錦羽雞已知全五德安逸勝鳧鷖
千葉碧桃蘋茄

太平蜀雀異仍映碧桃間一秀三千歲高枝永共攀
聚八仙倒挂兒

御選宋詩

卷一 徽宗

六

垂身如隼下名冠八仙中最是天真處櫻脣一點紅
桃竹黃鶯

出谷傳聲美遷喬立志高故教桃竹影不使近蓬蒿
金林檎遊春鶯

佳名何拔萃美譽占遊春三月來禽嬉嬉娛異衆倫
香梅山白頭

山禽矜逸態梅粉弄輕柔已有丹青約千秋猜白頭
題趙昌江梅山茶

趙昌下筆摘韶光一軸黃金滿斟量借我圭田二百畝
直須買取作花王

禁苑荔支結實賜燕帥王安中

葆和殿下荔支丹文武衣冠被百蠻思與近臣同此味
紅塵飛鞚過燕山

幸徐常廬

人生何事厭鷺塵泛宅浮家冬復春今日暫來猿鶴語
他年應召白雲人

宣和宮詞三百首

錄五
十首

春朝小雨乍新晴祥靄勻收洞宇明嚴警不聞人一語
海棠枝上曉鶯聲

塗丹輝映霽霞明四啓微聞曉漏清初御廣庭人意肅
九宮遙聽警鞭聲

御溝春水綠濺濺曲沼迴波四接連環碧下臨方鑑淨

御選宋詩

卷一

徽宗

七

遊魚跳躍浪痕圓

春工先與上林芳迎歲紅梅破臘香才過閣門分曲檻
弄晴繁蕊麗如粧

玉宇珍庭夜未央月移花影上迴廊精神勤禱祈民福
耿耿晴空靄露香

羲獻真蹤勝古初搜求方得到皇居退朝彝鼎然沉水
因染霜毫更學書

太皇生日最尊榮獻壽宮中未五更天子捧觴仍再拜
寶幄侍立到天明

元宵三五競芳年十二都門沸管絃鼇負繒山輝絳閣
龍銜寶炬撤金蓮

翠芳庭宇疊山圍
路轉龍盤燦陸離
響石因風飄冷韻
小碑刊勒祖宗詩

承平皇族益繁昌
鴈序天倫令德彰
此意繇長敦友愛
時時別殿宴親王

崇政西清闕講筵
簪裾雜沓盡英賢
守成當謹持盈戒
綉繹鳧鷖大雅篇

齊警開場設鼓鈺
雷霆凜凜奏嚴聲
通宵環衛無諱語
唯聽雞人巧唱更

珊瑚植立壯林巒
翡翠巒岿作小灘
几案自成清曠景
蓬山常對坐隅看

早臨書殿啓芸香
冰硯難開肅曉霜
初製煖爐新樣巧
御選宋詩

卷一 徽宗

八

雲龍突鏤遍金箱

秋來簾幕捲輕風
一夜濃陰蔽遠空
燕館乍涼人不寐
更聽疎雨滴梧桐

日冷天晴近臘時
玉階金瓦雪離離
浴堂門外抄名入
公主家人謝面脂

禁宇春回晝漏長
睿思宸極景相望
迴環路浥蒼苔合
一架茶縈滿殿香

翠石岩巖競巧形
無雙惟是碧雲屏
坤輿秀色全融結
尤比三峰色更青

教化風行自掖房
芸輝新繕萬書堂
清閒几硯皆編帙
時誦關雎正始章

花洞連延一架平文鴛雙砌接珍亭明輝北望垂楊岸
滿目煙波上下青

金題玉躡燦星光御札紛紛雜紫黃宣索女官三十六
就中誰是校書郎

三年禋祀敞園壇星斗凝輝玉露寒郊外燔柴煙欲斷
禁街人已待迴鑾

方響新成白玉牌叩聲仍與八音諧高低二八還相映
絲竹陶匏莫可偕

瑞日融和麗玉庭花枝密處有鶯聲六宮閒燕無餘樂
索寫新詩頌太平

湘簟涼生暑氣微午天敲枕向紗幃轆轤車扇間關處
御選定詩

卷一

徽宗

九

雙月迴廊彩鳳飛

緩步宮花夜漏清廓然天宇月華明凝眸望極無纖翳
惟有銀河一練橫

春池蘋藻綠盤跚羣鴨相呼戲碧湍兩兩輕舸閒倚岸
斜陽清景鑑中觀

太清樓畔柳依依闌外飄飄綠線齊魚鑰未開鈴鐸靜
一林鶗鴂占春啼

院宇花深鎖洞房更闌銀燭尚熒煌芸窗盡日觀前史
入夜乘閒覽諫章

巧簇羅牌翰苑詞宜春相向貼門櫺近來清禁尤珍重
珠蹙金書御製詩

靈宮複道問東西殿宇凝霜繡拱齊時祀每懷霜露感
祖宗功德勉攀躋

苑西廊畔碧溝長修竹森森綠影涼戲擲水毬爭遠近
流星一點耀波光

午夜登樓戶不高長廊夾幕內人行蟠龍尾道華燈合
五色雲中笑語聲

清曉輕雲鎖玉樓樓前宮柳弄春柔昇平宮宇浮佳氣
占得風光待宴遊

玉宇深嚴洞戶扃小山松柏四時青遶闌下瞰溪流碧
恰似仙都一畫屏

龍鬚成布一端長珍重惟將寶匣藏荒服獻珍誠足異
御選定詩

卷一 徽宗

十

承平八表自梯航

岷山遐表得靈犀剖出花紋兩脚齊良匠涓辰成寶帶
鴛鴦一對水中棲

五穀豐穰廣有秋漕司運絡奏年收籍田得駕循常典
潑麥園中結綺樓

小桃初破未全香清晝金胥漏已長臨罷黃庭無一事
日移花影上迴廊

一夜濃雲布九霄忽成春色潤寒苗玉墀墀下鴛鴦列
欲曉傳宣教放朝

修竹成林碧玉攢幾枝榮茂可棲鸞瑤宮月白風清夜
誰共庭除一凭欄

清晨檐際肅霜鮮
曉日初消萬瓦煙
隆德重陽開小宴
競將黃菊作花鈿

刺花彈篋紫檀弓
何處星丸入苑中
驚起流鶯花裏去
紛紛如雨落殘紅

琳庭節物樂無涯
又是餘寒易歲華
昨夜雪晴天氣好
後園初進蠟梅花

璇題玉額起層樓
三閣圖書集較讎
近日得增新碧榜
顯謨相繼繕徽猷

小雨飛輕助燕泥
萬花零落柳垂隄
紫清宮裏人稀到
廊外雙雙孔雀棲

蓬萊宮殿五雲低
廣內樓臺草色齊
憂在進賢忘寤寐
御選宋詩

卷一 徽宗

十一

曉粧常是未鳴雞

機杼年來入禁垣
素絲初織未成端
遍呼御府令均玩

方識農家力最難

曉色輕陰四幕低
如膏小雨密霏霏
傳宣儀仗通廊立

唯恐沾濡近御衣

麻紙初新詔墨乾
金蓮未剪燭花殘
珠簾不隔霜華月

應比人間分外寒

高宗

圜丘樂章八首

昊天上帝奠玉幣嘉安

上穹昊天日星垂曜照臨下土
王國是保維玉與帛寅

恭昭報永左右之欽若至道

皇地祇位奠玉幣嘉安

至哉坤厚隤然止靜柔載動植資始成性玉光幣色璨
若其映式恭禋祀有邦之慶

太祖皇帝位奠幣廣安

明明藝祖並侑泰壇肇造綿宇王業孔艱表正封略上
際下蟠躬以大報亦止于燔

太宗皇帝位奠玉幣化安

赫赫巍巍及時純熙昊天成命后則受之登邁邃古光
被聲詩有幣陟配孫謀所貽

昊天上帝位酌獻禧安

御選定詩

卷一 高宗

十一

謁欵壇陛祇祀泰禋丘圜自然可格至神桂尊登酌嘉
薦方新靡福菲眇敷祐下民

皇地祇位酌獻光安

厚德光大承元之明茲潛葶吹并于昭清冰天桂海咸
資化成恭酌彝醪報本維精

太祖皇帝位酌獻彰安

於赫皇祖創業立極肅肅靈命蕩蕩休德嘉鷗精潔雅
奏金石丕顯神謨惟后之則

太宗皇帝位酌獻韶安

丕鏘帝宗復受天命羣陰猶黷一戎大定奠鬯斯馨功
歌在詠佑啓後人文軌蚤正

郊前朝獻景靈宮樂章一首

聖祖位酌獻祖安

瑤源誕啓玉牒肇榮覆育羣有監觀圓清酒醴既洽登薦惟誠無有後艱駿惠雲仍

題中和堂

六龍轉淮海萬騎臨吳津王者本無外駕言蘇遠人瞻彼草木秀感此瘡痍新登堂望稽山懷哉夏禹勤神功旣盛大後世蒙其仁願同越勾踐焦思先吾身艱難務遵養聖賢有屈伸高風動君子屬意種蠱臣

漁父辭三首

薄晚煙林淡翠微江邊秋月已盈輝縱遠柁適天機水

御選宋詩

卷一 高宗

十三

底閒雲片段飛

青草開時已過船錦鱗躍處浪痕圓竹葉酒柳花擅有意沙鷗伴我眠

水涵微雨湛虛明小笠輕蓑未要晴明鑑裏縠紋生白鷺飛來空外聲

晚春

草深煙景重林茂夕陽微不雨花猶落無風絮自飛

梅花巖

怪石蒼巖映翠霞梅梢疎瘦正橫斜得因祀事來尋勝試探東風第一花

題天台寺僧房二首

古寺春山青更妍長松修竹翠含煙汲泉擬欲增茶興
暫就僧房借榻眠

久坐方知春晝長靜心地自清涼人人圓覺何曾覺
但見塵勞盡日狂

有獻紅木犀花者愛之畫爲扇面仍製詩以賜
從臣

月宮移就日宮栽引得輕紅入面來好向煙霄承雨露
丹心一點爲君開

秋入幽巖桂影團香深粟粟照林丹應隨王母瑤池宴
染得朝霞下廣寒

孝宗

御選宋詩

卷一

高宗

孝宗

十四

和史浩古詩三十韻

揖遜荷帝堯寅恭五元禩治道貴清淨聖言有深旨誰
歌元首明自得股肱喜躋民期仁壽詎肯中道止力農
樂彼田坐賈安于市歲行閱豐登國論銷委靡予力初
何能濟濟賴多士矧予有元老中立而不倚居東逾三
年不遠來千里未遂赤松遊輟誦青琅蕊皓首持六經
日侍明光裏翼乎鴻遇風縱矣魚在水儒行絕瑕疵道
心無塵滓挺挺松柏姿巉巉山岳峙予惟日萬幾至仁
同一視西成錫小宴促坐才尺咫湛露愧歌周置酒非
封齒歸美見新詩如卿能有幾眷言澄碧行勝賞得迂
趾亦屢引公卿對此談正理虛心欲受人忠言資逆耳

朕瘠天下肥至樂無易此頗念文武疆六合尚殊軌東
都會諸侯宣王昔于是期爾罄嘉謀使吾勲業起勿以
方燕貽所書聊復爾卮酒正須醕話言未能已都護萬
年觴何當至庭祀文章藉老手直筆中興紀載嘉矍鑠
翁焉得辭骹馘

春晴

春風歸草木曉日麗山河物滯欣逢泰時豐自此多神
州應未遠當繼沛中歌

題宮內飛來峰冷泉堂

山中色秀何佳哉一峰獨立名飛來參差翠麓儼如畫
石骨秀潤神所開忽聞仿佛來宮囿指顧已驚成列岫

御選定詩

卷一 孝宗

一五

規模絕似靈隱前面勢恍疑天竺後孰云人力非自然
千巖萬壑藏雲煙上有崢嶸倚空之翠壁下有潺湲漱
玉之飛泉一堂虛敞臨清沼密蔭交加森羽葆山頭草
木四時春閱盡歲寒長不老聖心仁知情優閒壺中天
地非人間蓬萊方丈渺空闊豈若坐對三神山日長雅
趣超塵俗散步逍遙快心目山光水色無盡時長將挹
向杯中淥

玉津園賜和洪邁

春郊柔綠遍桑麻小駐芳園覽物華應信吾心非暇逸
頓回晴意絕咨嗟每思富庶將同樂敢務漁畋漫自誇
不似華清當日事五家車騎爛如花

秋日臨幸秘書省因成近體詩一首賜丞相史浩以下

玉軸牙籤煥寶章
簪紳列侍映秋光
宴開芸閣儒風盛
坐對蓬山逸興長
稽古右文慙菲德
禮賢下士法前王
欲臻至治觀熙洽
更罄嘉謀為贊襄

少帝

前溪曲

憂思出門戶
逢郎前溪度
莫作流水心
引新都捨故

賜汪元量南歸

寄語林和靖
梅花幾遍開
黃金臺上客
應是不歸來

鸚鵡

御選宋詩

卷一

孝宗

少帝

一六

毛羽自然可數仙
禽不受樊籠銜得梧桐一葉中含無限秋風

御選宋詩卷第一

御選宋詩卷第二目錄

四言詩一

王禹偁一首

宋祁一首

夏竦一首

富弼一首

劉敞十三首

蘇洵一首

邵雍九首

司馬光一首

王安石二首

御選宋詩

卷二 目錄

蘇軾二十七首

御選宋詩卷第二

四言詩一

王禹偁

藉田賦頌

倬彼東郊公田是闢大君戾止言耕其籍帝籍既脩乃及公侯親爾耒耜勤爾疇言采黍稷祀于圜丘億萬斯年以承天休倬彼東郊耕壇其崇大君戾止言訓其農農功既篤乃知榮辱爾家以給爾人以足言奉烝嘗遍于比屋億萬斯年以介景福

宋祁

籍田頌

御選宋詩

卷二

王禹偁

宋祁

夏竦

一

倬彼鮮原帝籍于田匪籍其勤我爲民先悠悠春旗覩土于畿陽膏澤澤邁乎三推有壬有林亦莫不祗我疆我理或耘或耜實苞實茂芾厥豐草田畯至喜祈年伊早我穀用成我倉旣盈我倉耽耽種于東南其用伊何事神薦馨爲酒爲醴爲粢爲盛烝之浮浮釋之叟叟上帝居歆降福孔休降福伊何我民旣蕃室家溱溱三事不諼食足武奮震疊爾功蠻夷來同罔不率從帝猷昭升式于九圍兢兢業業以茲萬幾在豐念匱在飫思饑子子孫孫勿替引之

夏竦

廣農頌

皇哉惟聖躬提天柄億兆歸心三農洽慶廣我田事肇
修稼政乃置官民乃頒號令號令惟何分條建規恩斯
懋斯流冗攸歸官名惟何啓職庀司訓之導之播種維
時民曰勤止服田力穡晝爾于耕宵爾無斁千耦偕飛
百穀咸植旣藝浮鹵越經封洫官曰莅止糾力勸能瘳
我錢鏹疏我溝塍乃能灌溉爰相丘陵汙萊以闢游惰
用懲赫赫聖謀有作咸覩畎澮四溟井疆九土沃野萬
里縱橫其畝擁耒成林灑流降雨陽春如膏原隰如鱗
我稼旣華六合生雲稻梁黍稷萬井龍文同我婦子或
耨或耘八月其穫乃登爾稼滯穗棲原餘糧厭野盈溢
京庾流行方夏式歌且謠土金同價百姓足矣君孰不
御選定詩

卷二

夏竦

富弼

二

足三百之同九年之畜八蜡旣通五禮咸穆藏財于民
所寶惟穀君哉君哉樂事訓農炎帝之教后稷之功方
我王度明而未融臣之頌之永矣無窮

富弼

定州閔古堂詩

朔方之兵勁于九土尤勁而要粵惟定武兵勁在馭用
則罷虎失馭而勁驕不可舉曰保曰貝閉壁連阻武爵
斯守束手就虜皇帝曰噫汝武曷取有敝必革以儒于
撫公來帥定始以威怒有兵悍橫一用于斧連營怛之
膽栗腰偃旣懼而教如舖如乳以刺以射以鉦以鼓無
一不若師師旅旅列城自刺靡不和附陰沴爲梗降此

大雨大河破洩在河之滸民被黜墊田入污莽流離蕩
析不得其所公感曰吁予敢寧處迺大招徠乃大保聚
乃營帛粟寒衣飢茹民歸而安水下蒸天順以序公境
公復慮曰義曰仁震肅春煦合和蒸天順以序公境
獨稔爰麥爰黍公俗獨樂夫耕婦杼人雖曰康公亦奚
豫謂此一方民與兵具務劇任重稽古其裕人皆謂公
與古爲伍公文化民公武禦侮何思古人公不自許遂
擇竒匠繪于堂宇列其行事指掌可數前有古人在我
門戶後有來者依我牆堵斯堂勿壞有堂有故堂之不
存來者曷覩宏乎煥乎千載是矩

劉敞

御選宋詩

卷二

富弼

劉敞

三

閔雨

臣伏見春首以來天久不雨曆官李用晦治大衍
軌革太醫趙從古治黃帝六氣咸以謂風旱歲惡
然陛下焦心勞意側躬修德審樂損膳議獄宥過
以迎導善氣爰及言事得罪者唐介杜樞之徒復
特見甄序小大之臣莫不欣然人情悅則天氣和
矣乃三月己巳日入而雨至於庚午詩不云乎益
之以霖霖旣優旣渥旣霑旣足生我百穀以此見
聖人之德與天相符言出而物應行發而神助雖
水旱之災有常數者猶不能違之况其眇者乎竊
觀詩書所載盛德之君至誠動天之速未有及陛

下者也臣不勝鼓舞之至謹撰閱兩詩一首十三
章章六句投進以聞

堪輿綱緼一晦一明或沉而毀或亢而暘自古以然世
習為常

民生冥冥靡究靡知其幸而吉不幸而災猖狂妄行惟
所遇之

天命降監在我元聖兼覆慶裕四方既定惟民之恤無
所疵病

伊年暮春旱久不雨人曰時哉曆有常數禹湯之賢莫
能弗遇

帝獨喟息是豈足言化育萬物若鎔以埏患在誠薄不
御選宋詩

卷二

劉敞

四

能動天

退而齋心淵默以居鐘鼓不抃宴遊不娛左右肅然一
懷瞿瞿

疏獄省刑與物更始內恕孔悲引咎在己爰及四海愚
智咸喜

追悟謹直褒進淹滯聲色無迂式序在位嬖習權近攝
威屏氣

己已乃雨若有鬼神淒淒其風滄滄其雲自東徂西罄
無不均

匪震匪拔匪溢匪洩生我百穀區萌畢達以亭以食小
大胥悅

天子之德視雨之施肇自京師達于四裔無有蠻貊乎
我君惠

天子之政視雨之時養老長幼速哉熙熙更化易俗而
民不知

天子之慶視雨之積自天降康時萬時億着壽無疆以
靖四國

蘇洵

張益州畫像詩

天子在祚歲在甲午西人傳言有寇在垣庭有武臣謀
夫如雲天子曰嘻命我張公公來自東旗纛舒舒西人
聚觀于巷于塗謂公暨暨公來于于公謂西人安爾室
御選宥詩 卷二 劉敞 蘇洵 邵雍 五
家無敢或訛訛言不祥往即爾常春爾條桑秋爾滌場
西人稽首公我父兄公在西園草木駢駢公宴其僚伐
鼓淵淵西人來觀祝公萬年有女娟娟閨闈閑閑有童
哇哇亦既能言昔公未來期汝棄捐禾麻芄芄倉庾崇
崇嗟我婦子樂此歲豐公在朝廷天子股肱天子曰歸
公敢不承作堂嚴嚴有廡有庭公像在中朝服冠纓西
人相告無敢逸荒公歸京師公像在堂

邵雍

不同吟

求者不得辭者不能二者相去其遠幾程

偶書

才高命寡恥居人下若不固窮非知道者

觀物吟

居暗觀明居靜觀動居簡觀繁居輕觀重所居者寡所觀則衆匪居匪觀衆寡何用

師資吟

未知道義尋人爲師既知道義人來爲資尋師未易爲資實難指南嚮道非去非還師人則恥人師則喜喜恥皆非我獨無是好爲人師與恥何異

安樂吟

安樂先生不顯姓氏垂三十年居洛之涘風月情懷江湖性氣色斯其舉翔而後至無賤無貧無富無貴無將無迎無拘無忌窘未嘗憂飲不至醉收天下春歸之肝肺盆池資吟瓮牖薦睡小車賞心大筆快志或戴接離或著半辭或坐林間或行水際樂見善人樂聞善事樂道善言樂行善意聞人之惡若負芒刺聞人之善如佩蘭蕙不佞禪伯不諛方士不出戶庭直際天地三軍莫凌萬鐘莫致爲快活人六十五歲

甕牖吟

有客無知唯知自守自守無他唯求寡咎有屋數間有田數畝用盆爲池以甕爲牖牆高於肩室大于斗布被煖餘藜羹飽後氣吐胸中充塞宇宙筆落人間輝映瓊玖人能知止以退爲茂我自不出何退之有心無妄思

足無妄走人無妄交物無妄受炎炎論之甘處其陋綽
綽言之無出其右羲軒之書未嘗去手堯舜之談未嘗
虛口當中和天同樂易友吟自在詩飲歡喜酒百年升
平不爲不偶七十康強不爲不壽

盆池吟

有客無知唯知不爲不爲無他唯求不欺我有人是人
無我非因開甕牖遂鑿盆池都邑地貴江湖景奇能遊
澤國不下堂基簾外青草軒前黃陂壺中月落鑑裏雲
飛既有荷芰豈無鳧茨既有蝌蚪豈無蛟螭亦或清淺
亦或渺瀰亦或淥淨亦或漣漪風起蘋藻涼生袖衣林
宗何在范蠡何歸密雪霏霏輕冰披披垂柳依依細雨
御選宋詩

卷二

邵雍

七

微微可以觀止可以忘機可以照物可以看時不樂乎
我更樂乎誰吾于是日再見伏羲

大筆吟

有客無知爲性太質不伎不求無固無必足躡天根手
探月窟所得之懷盡賦于筆意遠情融氣和神逸酒放
微醺綃鋪半匹如風之卒如雲之勃如電之歛如雨之
密或往或還或沒或出滌盪氛埃廓開天日鸞鳳翱翔
龍蛇盤屈春葩暄妍秋山崒岫三千簪裾俯循儒術百
萬貔貅仰聽軍律松桂成林芝蘭滿室蜀錦初番朝霞
乍拂白壁一雙黃金百鎰羲之來求牧之來乞物外神
交人間事畢觀者析醒收之愈疾

善人吟

良如金玉重如丘山儀如鸞鳳氣如芝蘭

司馬光

瞻彼南山詩

瞻彼南山有桵有棠維葉牂牁君子之燕籩豆洋洋鼎俎將將百羞阜昌上下樂康邦家之光君子萬年撫有四荒受祿無疆瞻彼南山有楛有栩維葉滑滑君子之燕清酒有蕝壺樽有楚酌言觴之命之醕之上下以序君子萬年永綏兆民受天之祐瞻彼南山有杞有樅維葉逢逢君子之燕管絲囀囀奏鼓鼗鼗自堂徂庭上下肅雍靡有不恭君子萬年命德高明高明有融赫赫明明

御選宋詩

卷二

邵雍

司馬光

王安石

八

明天命有嚴命我祖考九土是監倭馭之東蠻蠻之南享獻允時靡敢不詹闕茲餘文復閣巖巖萬世是承四方是瞻帝曰卿士左右之臣四方無虞矜爾之勤式觀且遊從予一人于壺于闕于堂于陳金石之符翰墨之珍匪予汝夸祖考之勲多士庶尹羣公百辟拜手稽首答揚休德旣醉旣飽慎思爾職罔顧爾私罔愛爾力惇忠祇勅永奉丕則立民之極載祀千億

王安石

新田詩

并序

唐治四縣田之入於草莽者十九民如寄客雖簡其賦緩其徭而不可以必留尚書比部郎中趙君

尚寬之來問敝於民而知其故乃委推官張君恂以兵士興大渠之廢者一大陂之廢者四諸小渠陂教民自爲者數十一年流民作而相告以歸二年而淮之南湖之北操囊耜以率其妻子者其來如雨三年而唐之土不可賤取昔之菽粟者多化而爲稊環唐皆水矣唐獨得歲焉船漕車輓負擔出於四境一日之間不可爲數唐之私廩固有餘循吏之無稱於世久矣予聞趙君如此故爲作詩

詩曰

離離新田其下流水孰知其初灌莽千里其南背江其北逾淮父抱子扶十百其來其來僕僕鏹我新屋趙侯劬之作者不饑歲仍大熟飽及雞鶩僦船與車四鄙出穀今游者處昔止者流維昔牧我不如今侯侯來適野不有觀者稅于水濱問我鰥寡侯其歸矣三歲于茲誰能止侯我往求之

雲之祁祁答董傳

雲之祁祁或雨于淵苗之翹翹或槁于田雲之祁祁或雨于野有槁于田豈不自我蒼兮其隳其在西郊匪我爲之我歌且謠蔚兮其復南山之側我歌且謠維以育德

蘇軾

新渠詩

并序

庚子正月予過唐州太守趙侯始復三陂疏召渠
招懷遠人散耕於唐予方爲旅人不得親執壺漿
簞食以與侯勸逆四方之來者獨爲新渠詩五章
以告于道路致侯之意其詞曰

新渠之水其來舒舒溢流于野至于通衢渠成如神民
始不知問誰爲之邦君趙侯

新渠之田在渠左右渠來奕奕如赴如湊如雲如積如
屋如溜嗟唐之人始識杭稔

新渠之民自淮及潭挈其婦姑或走而顛王命趙侯宥
我新民無與王事以訖七年

侯謂新民爾旣來止其歸爾邑告爾鄰里良田千萬爾
御選宋詩

卷二

蘇軾

十

擇爾取爾耕爾食遂爲爾有

築室于唐孔碩且堅生爲唐民飽粥與饘死葬于唐祭
有雞豚天子有命我惟爾安

觀碁

并序

余素不愛碁獨遊廬山白鶴觀觀中人皆闔戶晝
寢獨聞碁聲於古松流水之間意欣然喜之自爾
欲學然終不解也兒子過乃粗能者儋守張中日
從之戲予亦隅坐竟日不以爲厭也

五老峰前白鶴遺址長松蔭亭風日清美我時獨遊不
逢一士誰歟碁者戶外屨二不聞人聲時聞落子紋枰
坐對誰究此味空鉤意鉤豈在魴鯉小兒近道剝啄信

指勝固欣然敗亦可喜優哉游哉聊復爾耳

洞酌亭

并引

瓊山郡東衆泉觴發然皆冽而不食丁丑歲六月予南遷過瓊得雙泉之甘於城之東北隅以告其人自是汲者常滿泉相去咫尺而異味庚辰歲六月十七日遷於合浦復過之太守承議陸公求泉上之亭名與詩名之曰洞酌其詩曰

洞酌兩泉挹彼注茲一餅之中有澗有溜以瀹以烹衆喊莫齊自江徂海浩然無私豈弟君子江海是儀旣味我泉亦濟我詩

何公橋詩

御選宋詩

卷二

蘇軾

十一

天壤之間水居其多人之往來如鷄在河順水而行雲駛鳥疾維水之利千里咫尺亂流而涉過膝則止維水之害咫尺千里河彼濫觴蛙跳儵游溢而懷山神禹所憂豈無一木支此大壤舞于盤渦冰拆雷解坐使此邦畫爲兩州雞犬相聞胡越莫救允毅何公甚勇于仁始作石梁其艱其勤將作復止更此百難公心如鐵非石則堅公以身先民以悅使老壯負石如負其子疏爲玉虹隱爲金堤直欄橫檻百賈所棲我來與公同載而出謹呼填道抱其馬足我歎而言視此滔滔未見剛者孰爲此橋願公千歲與橋壽考持節復來以慰父老如朱仲卿食于桐鄉我作銘詩子孫不忘

江郊詩

并序

惠州歸善縣治之北數步抵江少西有磐石小潭
可以垂釣作江郊詩云

江郊蔥曠雲水蒨絢碕岸斗入洄潭輪轉先生悅之布
席閒燕初日下照潛鱗俯見意釣忘魚樂此竿綫優哉
悠哉玩物之變

答龐參軍

并序 和陶

周循州彥質在郡二年書問無虛日罷歸過惠為
余留半月既別和此詩追送之

我見異人且得異書挾書從人何適不娛羅浮之趾卜
我新居子非元德三顧我廬

御選定詩

卷二 蘇軾

十三

旨酒荔蕉絕甘分珍雖云晚接數面自親海隅一笑豈
云無人無酒酤我或乞其鄰
將行復止眷言孜孜苟有于中傾倒出之奕奕千言絮
焉陳詩觴行筆落了不容思

中妙侍側兩髦了分歌舞壽我永為歡欣曲終悽然仰
視浮雲此曲此聲何時復聞

擊鼓其鏜船開艣鳴顧我而言兩泣載零子卿白首當
還西京遼東萬里亦歸管寧

感子至意託辭西風吾生一塵寓形空中願言謙亨君
子有終功名在子何異我躬

時運

并序 和陶

丁丑二月十四日白鶴峰新居成自嘉祐寺遷入
詠淵明時運詩云斯晨斯夕言息其廬似爲余發
也迺次其韻長子邁與余別三年矣挈攜諸孫萬
里遠至老朽憂患之餘不能無欣然

我卜我居居非一朝龜不我欺食此江郊廢井已塞喬
木干霄昔人伊何誰其裔苗

下有澄潭可飲可濯江山千里供我遐矚木固無蹊瓦
豈有足陶匠自至敲歌相樂

我視此邦如洙如沂邦人勸我老矣安歸自我幽獨倚
門或揮豈無親友雲散莫追

旦朝丁丁誰欸我廬子孫遠至笑語紛如剪髮垂髻覆
御選定詩

卷二 蘇軾

一三

此瓠壺三年一夢迺復見余

停雲

并序 和陶

自立冬以來風雨無虛日海道斷絕不得子由書
迺和淵明停雲詩以寄

停雲在東黯其將雨嗟我懷人道修且阻眷此區區俛
仰再撫良辰過鳥逝不我佇

颺作海渾天水溟濛雲屯九河雪立三江我不出門寤
寐北窗念彼海康神馳往從

凜然清癯落其驕榮魄奠化之廓兮忘情萬里遲子晨
興宵征遠虎在側以寧先生

對奕未終摧然斧柯再遊蘭亭默數永和夢幻去來誰

少誰多彈指太息浮雲幾何

和勸農六首

并序
錄畧

海南多荒田俗以買香爲業所產秔稌不足於食
乃以藭芋雜米作粥糜以取飽余旣哀之乃和淵
明勸農詩以告其有知者

咨爾漢黎均是一民鄙夷不訓夫豈其真怨忿劫質尋
戈相因欺謾莫訴曲自我人

天禍爾土不麥不稷民無用物怪珍是殖播厥薰木腐
餘是穡貪夫汚吏鷹鷲狼食

豈無良田膴膴平陸獸蹤交締烏喙諧穆驚磨朝射猛
豨夜逐芋羹諸麋以飽耆宿

御選宋詩

卷二

蘇軾

十四

聽我苦言其福永久利爾鋤耜好爾鄰偶斬艾蓬藿南
東其畝父兄搢挺以扶游手

御選宋詩卷第二

